

REGIONAL NEWS

UNIT

ALL INDIA RADIO, AGARTALA

Date:20-04-2024

Time: 07.35-07.40 AM Hrs

BENGALI MORNING BULLETIN

Loksabha 1st Phase :

অষ্টাদশ লোকসভা নির্বাচনের প্রথম পর্বের ভোট গ্রহণ গতকাল শেষ হয়েছে। গতকাল ১৭টি রাজ্য ও ৪টি কেন্দ্র শাসিত অঞ্চলের ১০২টি লোকসভা আসনের জন্যে ভোট গ্রহণ হয়।

অরুণাচল প্রদেশে দু'টি, আসামে ৫টি, বিহারে ৪টি, মধ্যপ্রদেশে ৬টি, মহারাষ্ট্রে ৫টি, মনিপুর ও মেঘালয়ে দুটি করে আসনে ভোট গ্রহণ হয়। তছাড়া রাজস্থানে ১২টি, তামিলনাড়ুতে ৩৯টি, উত্তরপ্রদেশে ৮টি, উত্তরাখণ্ডে ৫টি, পশ্চিমবঙ্গে ৩টি, দাদরা নগর হাভেলি, দমন দিউতে দু'টি করে এবং দিল্লিতে ৭টি আসনে প্রথম দফায় ভোটগ্রহণ করা হয়েছে। ত্রিপুরা, ছত্রিশগড়, মিজোরাম, নাগাল্যান্ড, সিকিম, আন্দামান নিকোবর, চন্ডিগড়, লাদাখ, লাক্ষাদ্বীপ ও পুদুচেরিতে একটি করে আসনে গতকাল ভোট নেয়া হয়।

Election :

পশ্চিম ত্রিপুরা লোকসভায় প্রায় ৮১ দশমিক ৫২ শতাংশ ভোট পড়েছে। রামনগর বিধানসভা কেন্দ্রের উপনির্বাচনে ভোট পড়েছে প্রায় ৭১ দশমিক ২১ শতাংশ। নির্বাচন দপ্তর সূত্রে জানা গেছে

রাত ৯ টা পর্যন্ত পশ্চিম ত্রিপুরা লোকসভায় ৮০ দশমিক ১৭ শতাংশ ভোট হয়েছিল। রাত প্রায় সাড়ে নয়টা পর্যন্ত ভোট চলে রামনগর বিধানসভার অন্তর্গত লংকামুড়ায় একটি বুথে এবং বক্সনগরে একটি বুথে। পশ্চিম ত্রিপুরা আসনের জেলা নির্বাচনী আধিকারিক ডঃ বিশাল কুমার জানিয়েছেন, শান্তিপূর্ণভাবে ভোট হয়েছে। ভোট গ্রহণ প্রক্রিয়া শুরু হওয়ার সাথে সাথে বেশকিছু অভিযোগ পাওয়া গেছে। যে সকল স্থান থেকে অভিযোগ এসেছে সেখানে অতিরিক্ত আরক্ষা কর্মী মোতায়েন করা হয়েছে। কোথাও কোন সম্পত্তি নষ্ট ও আহত হওয়ার ঘটনা ঘটেনি। রামনগর বিধানসভা কেন্দ্রের একটি পোলিং স্টেশনের দুইজন পোলিং অফিসারকে বরখাস্ত করা হয়েছে।

DM and SP Visit :

ভোটের পর নিরাপত্তা ব্যবস্থা সুনিশ্চিত রাখতে রাত ১০টার পর পশ্চিম লোকসভা আসনের জেলা নির্বাচনী আধিকারিক তথা জেলা শাসক ডাঃ বিশাল কুমার এবং জেলার এসপি কিরন কুমার কে বিভিন্ন এলাকায় অভিযানে বের হন। রাতে পুলিশ, টিএসআর এবং কেন্দ্রীয় বাহিনী নিয়ে জেলা শাসক ইন্দ্রনগর, নন্দনগর এবং ৭৯ টিলা এলাকায় টহল দেন। শ্রী কুমার জানান, শান্তিপূর্ণভাবে ভোট শেষ হয়েছে। ভোটের পরও যাতে শান্তি বজায় থাকে এই কারণে নিরাপত্তা কর্মীরা টহল দিয়ে যাবেন। নন্দনগরে এক বাড়িতে পাথর দিয়ে ঢিল মারার অভিযোগ পাওয়া গেছে। এই বাড়ির সামনে নিরাপত্তার ব্যবস্থা করা হয়েছে। জেলা শাসক সব দলের কাছে শান্তি বজায় রাখতে সহযোগিতা চেয়েছেন।

Vote-Sepahijala :

সিপাহীজলা জেলার ৩টি মহকুমার ৯টি বিধানসভা কেন্দ্রে শান্তিপূর্ণভাবে ভোট গ্রহণ করা হয়। জেলার ৩টি মহকুমার ৪৭৬টি বুথ কেন্দ্রে গতকাল সকাল ৭টা থেকে ভোট গ্রহণ শুরু হলেও কিছু কিছু ভোট কেন্দ্রে EVM -এ গোলযোগ দেখা দেয়। নতুন EVM-এর ব্যবস্থা করে ঐ সমস্ত কেন্দ্রে ভোট গ্রহণ শুরু হয়। সিপাহীজলা জেলার জেলা নির্বাচনী আধিকারিক তথা জেলাশাসক নাগেশ কুমার বি আকাশবাণীর সিপাহীজলা জেলা প্রতিনিধিকে জানিয়েছেন ভোটের নির্ধারিত সময় গতকাল বিকেল ৫টা পর্যন্ত গোটা জেলায় ভোট পড়েছে ৮০ দশমিক ৭৩ শতাংশ। ভোট গ্রহণ ঘিরে এই জেলায় কোন অপ্রীতিকর ঘটনা ঘটেনি বলে জানিয়েছেন জেলা নির্বাচনী আধিকারিক।

Two Arrest :

ভোটারদের প্রভাবিত করায় মোহনপুরে দুজনকে গ্রেপ্তার করেছে পুলিশ। মোহনপুরের অ্যাসিস্ট্যান্ট রিটার্নিং অফিসার তথা মহকুমা শাসক সুভাষ দত্ত জানান, নির্বাচনের কাজে বাঁধা দেওয়ায় দুজনকে সতর্কততা মূলক গ্রেপ্তার করা হয়। মোহনপুর, বামুটিয়া এবং সিমনা বিধানসভায় ভোট শান্তিপূর্ণভাবে শেষ হয়েছে বলে তিনি জানিয়েছেন।

Current Affairs :

দেশের সাধারণ নির্বাচনের দ্বিতীয় দফার ভোট গ্রহণ আগামী ২৬শে এপ্রিল দ্বিতীয় দফায় পূর্ব ত্রিপুরা আসনেও ভোট নেওয়া

হবে। পূৰ্ব আসনে ইতিমধ্যেই ভোটারদের ভোটদানে আগ্রহ বাড়াতে নানা কৰ্মসূচি হাতে নিয়েছে নিৰ্বাচন কমিশন। এই বিষয়ে পূৰ্ব আসনের রিটার্নিং অফিসার তথা ধলাই জেলার জেলাশাসক সাজু ওয়াহিদেৰ একটি সাক্ষাৎকাৰ আজ বেলা ৩টা ১৫ মিনিটে আকাশবাণীৰ আগৰতলা কেন্দ্ৰ থেকে প্রচারিত হবে।

Garia Puja :

ৰাজ্যের উপজাতিদের ঐতিহ্য মন্ডিত গৰিয়া পুজা আজ। ৰাজধানী আগৰতলা সহ ৰাজ্যের বিভিন্ন স্থানে বিশেষ সুদৃশ্য মঞ্চ তৈরি করে এই পুজাৰ আয়োজন করা হয়েছে। পাবিৰাৰিক সুখ সমৃদ্ধিৰ কামনায় এই পুজাৰ আয়োজন করা হয়। জমাতিয়া হদাৰ উদ্যোগে উদয়পুৰেৰ পিত্ৰায় বাবা গৰিয়াৰ পৰিক্ৰমা গতকাল শেষ হয়েছে বলে জানানো হয়।

Biplab Deb :

পূৰ্ব ত্ৰিপুৰা লোকসভা আসনে বিজেপি প্ৰাৰ্থী কৃতি দেবী দেববৰ্মনেৰ সমৰ্থনে সাংসদ বিপ্লব কুমাৰ দেব আজ ৪টি জনসভায় ভাষণ দেবেন। জয়নগৰ, বাগবাসা, বাবুৰবাজাৰ এবং কুমাৰঘাটে দলীয় জনসভায় ভাষণ দেবেন পশ্চিম আসনেৰ বিজেপি প্ৰাৰ্থী শ্ৰী দেব।

Accident :

দুই যাত্রীবাহী অটোর মুখোমুখি সংঘর্ষে নিহত এক অটোচালক। আহত ১১ মাসের শিশু-সহ চারজন। মর্মান্তিক এই ঘটনা গতকাল বিকালে মেলাঘরের নেতাজি চৌমুহনিত্তে হয়েছে। পুলিশ জানিয়েছে, নিহত অটো চালকের নাম ইব্রাহিম মিয়া। আহত ৪ জনকে মেলাঘর হাসপাতালে ভর্তি করা হয়েছে।

Cricket :

সমীরণ চক্রবর্তী স্মৃতি টি-২০ ক্রিকেট প্রতিযোগিতায় আজ সেমিফাইনালের দুটি ম্যাচ হবে। এম বি বি স্টেডিয়ামে ইউনাইটেড ফ্রেন্ডস এর সঙ্গে প্রথম সেমিফাইনাল ম্যাচ খেলবে চলমান সংঘ। নরসিংগড় পুলিশ ট্রেনিং একাডেমি মাঠে দ্বিতীয় সেমিফাইনাল ম্যাচে সংহতি ক্লাব জয়নগর ক্রিকেট ক্লাবের মুখোমুখি হবে।

league Cricket :

সিনিয়র ক্লাব লিগ ক্রিকেটে গতকাল থাগড়াছড়া স্কুল মাঠে ১১৯ রানে বড় ব্যবধানে জয় পেয়েছে ঐকতান। তারা আইতরমাকে ১১৯ রানে হারিয়ে দিয়েছে। ঐকতান প্রথমে ব্যাট করে ২৫১ রান তুলে। জবাবে খেলতে নেমে আইতরমা ১৩২ রানে দলের সবাই আউট হয়ে যায়। দলের পক্ষে মনিলাল ত্রিপুরা একাই ৯১ রান করেন।

Weather :

আজ আবহাওয়ার পূর্বাভাসে জানানো হয় আকাশ অংশত মেঘলা থাকবে। বিক্ষিপ্তভাবে কিছু জায়গায় বজ্র বিদ্যুৎ সহ হালকা থেকে মাঝারি ধরনের বৃষ্টিপাত হতে পারে। আগরতলায় আজ ভোরে সর্বনিম্ন তাপমাত্রা ছিল ২৭.৭ ডিগ্রি সেলসিয়াস। দিনের সর্বোচ্চ তাপমাত্রা থাকতে পারে ৩৭ ডিগ্রির কাছাকাছি।
